



Interno informativno glasilo Medžlisa IZ-e Tešanj

OBILJEŽENA HIDŽRA - NOVA 1438. H. G. (str. 6.)



Centralna manifestacija – 02. 10. 2016.
Tradicionalni mevlud u Miljanovcima



Promocija CD „Ilhamijin put u smrt“ Mustafa Širbić.
Atrij Medžlisa – 07. 10. 2016.

MANIFESTACIJOM „SALAVAT TI DONOSIMO, JA RESULALLAH“ OBILJEŽEN MJESEC MEVLUDA (str. 4. i 5.)



Centralna manifestacija – 12. 12. 2016.
Čarši džamija - Mevlud i dodjela priznanja i nagrade
iz Fonda „Hasan ef. Škapur“ mr. Fuad ef. Omerbašiću



Okrugli sto – 13.12.2016. - Učesnici
„Uloga vakufa i privatnog sektora u jačanju i razvijanju lokalne zajednice“.

INFRASTRUKTURA (str. 8.)



Završeni radovi na adaptaciji prostora u suterenu
Kutahya džamije
i svečano otvoreno obdanište „REVDA“- 03.12.2016.



Izgradnja nove džamije u džematu Bukva – 24. 12. 2016.

RIJEČ UREDNIKA**BISMIL-LAHIR-RAHMANIR-RAHIM**

Ako bismo željeli definisati IZ-u, onda bismo mogli reći da je to zajednica muslimana u vjeri i sudbini.

Vjera određuje pravi put, a sudbina obilježavana taj put do konačnog cilja.

Čovjek ne propisuje sudbinu, ali on piše svoju sudbinu i kao pojedinac i kao zajednica, drugim riječima ostavlja trag po kome će biti vrednovan na Dunjaluku, ali i nagređen na Ahiretu.

Bosanskohercegovački muslimanui su ispisivali i još hvala Bogu ispisuju stranice svoje sudbine čiji su tragovi vidljivi na širem i lokalnom nivou.

Takođe su vidljivi tragovi koje su ispisivali u 2016. godini muslimani Medžlisa IZ-e Tešanj.

Ti tragovi su vidljivi:

Kroz uređenje i održavanje džamija, mesdžida, mekteba, harema, kao i izgradnju nove džamije u Bukvi.

Kroz mektepsku nastavu, gdje su polaznici našeg Medžlisa zauzeli ekipno 1. mjesto na nivou Muftiluka.

Kroz stabilnost predmeta Islamska vjeronauka u osnovnim i srednjim školama.

Kroz akciju zekata i sadekatu-l-fitra

Kroz kurbane i kurbanske kože.

Kroz vakufe kao trajno dobro.

Kroz humanitarnu aktivnost u kojoj su sakupljena značajna materijalna sredstva i uručena našim potrebnim džematlijama, kao i muslimanima Sirije i Makedonije.

Možemo konstatovati da će kalendarska godina koja je iza nas ostati upamćena kao jedna od uspješnijih godina u kojoj su postignuti značajni rezultati.

Pored navedenih svakako za muslimane Medžlisa IZ-e Tešanj najznačajniji događaj je otvaranje predškolske ustanove „Revda“, odnosno dječijeg obdaništa u okviru IZ-e u suterenu Plave džamije na Krndiji.

Ovo je prilika da iskažemo zahvalnost svima onima koji su doprinijeli da 2016. godina bude uspješna godina i da godina koja je pred nama bude nastavak činjenja dobra.

Činimo dovu Allahu dž.š. da trud muslimana Tešnja bude zalog svjetlije budućnosti na ovome svijetu i radost budućeg svijeta.

Aktivnosti IO Medžlisa –

27.10.2016.g.-. Održana 17. redovna sjednica IO Medžlisa IZ-e Tešanj u četvrtak poslije ikindije-namaza. Sjednicom je predsjedavao Zehrudin Kruško predsjednik IO, a prisustvovalo je 10 članova. Na sjednici je razmatran dnevni red od 13 tačaka, a usvojeni su: Izvod iz zapisnika i informacija o realizaciji zaključaka sa 16. redovne sjednice IO, Ostavka člana IO Rasima Omerbašića, Izvještaj glavnog imama o početku nove mektepske i školske godine, Izvještaj o realizaciji plana aktivnosti u povodu Kurban-bajrama, Izvještaj o provedenim aktivnostima u povodu Hidžre – Nove 1438.h.g., Zaključak o pripremama za obilježavanje 12. rebu-l-evvela, Informacija o toku aktivnosti na adaptaciji prostora za dječije obdanište, Informacija o naplati članarine za prvih 9 mjeseci 2016. godine, Prijedlozi Komisije IO za vakuf i vakufsko zemljište, Odluka o postavljanju sergije za pomoć u liječenju (transplantacija bubrega u Francuskoj) Mević Naise iz Kaloševića i dr.

30.11.2016.- Održana 18. redovna sjednica IO – u prostorijama Medžlisa IZ-e Tešanj sa početkom u 14,30 sati. Sjednici je prisustvovalo 13. članova, a predsjedavao je predsjednik IO Zehrudin Kruško.

Razmatran je dnevni red od 11. tačaka, a usvojeni su: Zapisnik sa 17. redovne sjednice, Program obilježavanja 12. rebilu-l-evvela 1438. h.g. kroz tradicionalnu manifestaciju „Salavat ti donosimo, ja Resulallah“, Odluka o premještanju Emir ef. Hodžića prof. imama džemata Novo Selo u džemat Trepče, zahtjevi za sporazumni prekid radnog odnosa radi odlaska u penziju Omerbašić Ibrahim ef., imama džemata Kalošević i Lekić Hamzalije ef., imama džemata Ljetinić, Odluka o imenovanju V.D. direktora predškolske ustanove – dječiji vrtić „Revda“ Fatime Čeman, Pravila vrtića „Revda“, Prijedlog dž.o. Novo Selo za raspisivanje konkursa u Preporodu za popunu upražnjenog radnog mjesta imama.



27.12.2016. – održana 19. redovna sjednica IO u maloj sali Medžlisa IZ-e Tešanj. Sjednici je prisustvovalo 13. članova, a predsjedavao je predsjednik IO Zehrudin Kruško.

Usvojeni su: Zapisnik sa 18. sjednice, Odluka o privremenom finansiranju, Odluka o utvrđivanju osnovice za plaće zaposlenih za 2017.g., Odluka o izdavanju pod zakup vakufskih nekretnina za 2017., Odluka o imenovanju komisije za popis, Informacija UO obdaništa „Revada“, Odluka o prijemu Esada ef. Smajića prof. u radni odnos imama džemata Novo Selo i dr.

POZIV NA SARADNJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Naša web stranica: www.miztesanj.ba ; email: iztesanj@bih.net.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić, tehnički urednik, tekst i foto Rašid Orlović

Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić

i Suljo ef. Djedović prof., saradnici imami MIZ-e Tešanj.

BRIGA O ZAJEDNICI KOJOJ PRIPADAMO (Autor Ramo ef. Svrzo prof., imam džemata Raduša)

Hvala Allahu, Gospodaru svih svjetova. Neka je salavat i selam na Allahovog poslanika, Muhammeda, s.a.v.s., njegovu časnu porodicu, uzorite ashabe i naše plemenite bosanske šehide.

Draga braćo, Uzvišeni Allah je kazao da je ummet Poslanika najbolja zajednica koja se ikada pojavila na dunjaluku, jer naređuju dobro a odvrću od zla i u Allaha vjeruju: كُنْتُمْ خَيْرَ أُمَّةٍ أُخْرِجَتْ لِلنَّاسِ تَأْمُرُونَ بِالْمَعْرُوفِ وَتَنْهَوْنَ عَنِ الْمُنْكَرِ وَتُؤْمِنُونَ بِاللَّهِ
„Vi ste narod najbolji od svih koji se ikada pojavio: tražite da se čine dobra djela, a od nevaljalih odvrćate, i u Allaha vjerujete...“ (Alu Imran, 110.)

Tražiti da se čini dobro, odvrćati od zla i biti pokoran Allahu karakteristike su najbolje zajednice. A u njoj, kaže Poslanik, a.s., najbolji je onaj koji je najkorisniji zajednici.

"Najbolji među vama je onaj koji je najkorisniji svojoj zajednici".

U protivnom, Poslanik, a.s. kaže da onaj ko se ne brine za svoju zajednicu, on joj i ne pripada.

“Koga ne zanima stanje muslimana, on i ne pripada njima”.

U kontekstu brige za stanje zajednice kojoj pripadamo, navest ću dva primjera za razmišljanje:

Kur'an nam kao poruku navodi **primjer malog mrava** koji kada je vidio opasnost pred kojom se nalazi on i njegova skupina, doziva ih i upozorava, pa kaže: يَا أَيُّهَا النَّملُ ادْخُلُوا مَسَاكِنَكُمْ لَا يَحْطِمَنَّكُمْ سُلَيْمَانُ وَجُنُودُهُ وَهُمْ لَا يَسْعُرُونَ

"O mravi, ulazite u skloništa svoja da vas Sulejman i vojske njegove, ne izgaze a da to i ne primjete!" (Mravi, 18).

Pogledajte ove brige malog mrava, koji pripada slabijoj zajednici negoli je to ljudska zajednica. On uviđa opasnost koja prijete njemu i njegovom društvu, ali on **sam ne bježi**, već **poziva svoju družinu, svoju zajednicu i upozorava ih da se spase**.

Ako ovaj mali mrav nije sam pobjegao, niti je samo sebe gledao, nego brine o svojoj zajednici, zašto onda da mi ne brinemo jedni o drugima. Zašto onda da se mi međusobno ne opominjemo i jedni-druge ne upozoravamo na opasnosti koje nam prijete - a toliko je opasnosti koje nam svakodnevno prijete, prijete nama, našoj porodici, našoj zajednici, našem narodu.

Možda svako od nas nije pozvan ili možda ne može da djeluje na nekom višem nivou, ali svako od nas jeste, itekako, pozvani i odgovoran za svoje bližnje, za svoju porodicu, ženu djecu, (sina, kćer) za svoju rodbinu, komšije prijatelje i njihov spas, jer Uzvišeni Allah nam naređuje: وَأَنْذِرْ عَشِيرَتَكَ الْأَقْرَبِينَ

Ti opominji svoje bližnje., (Ti opominji svoju porodicu, ženu, djecu, svoju rodbinu, svoje bližnje, za njih i njihov spas ćeš biti sigurno pitan...).

Zato ovaj primjer brige malog mrava za svoju zajednicu, toliko je važan i značajan da ga je Uzvišeni Allah spomenuo u Kur'anu kao vječnu pouku ruku ljudima do Sudnjega dana. Čak je i jedna kur'anska sura dobila ime po ovom događaju, sura En-Neml.

Drugi primjer kojeg nam Kur'an navodi je primjer jedne male ptice, pupavca - **Hudhuda** - koji brine o vjeri dalekog narodu (u tefsirima se spominje da je to bio narod Jemena), odlazi tamo i nalazi da taj narod obožava Sunce. Dolazi Sulejmanu, a.s., i obavještava ga o tome, a zatim se ponovo vraća i nosio pismo tevhida, pismo poziva vjeri u Jednoga Boga

I ovo je kur'anski primjer za razmišljanje. Ako jedna malena ptica (pupavac, Hudhud) se brine o vjeri dalekog naroda, svijeta kojem, kao ptica, i ne pripada, zašto onda da mi ne brinemo o svojoj vjeri i vjeri svog naroda. Zašto onda da mi jedni druge ne pozivamo vjeri. Zar mislimo da nismo odgovorni za vjeru svog djeteta, svog komšije, svog prijatelja. Ili zar mislimo da ćemo, kao sami, u moru nevjerstva (grijeha i nemoralna) **spasiti se i uspjjeti**. Sigurno da nećemo, ako ne budemo gledali i na one oko nas.

Spominje se da je Uzvišeni Allah dž.š. naredio Džibrilu da uništi jedno naselje zbog griješnog i pokvarenog naroda, pa kada je Džibril došao tamo, u njemu je našao jednog pobožnjaka na sedžadi. Tada se Džibril, a.s., obraća Allahu i pita: “Šta ću s njim”, pa mu Uzvišeni Allah kaže: “Kreni od njega”!

Kreni od njega – jer čovjek je, poput onog mrava, društveno biće, i njegov spas i opstanak ovisi od spasa zajednice kojoj pripada. Kao pojedinci, pa ni kao vjernici, nećemo uspjjeti i nećemo se spasiti ukoliko i društvo oko nas ne bude vjerničko.

Šta nam vrijedi naš ibadet, naš zikr, naš namaz ako njemu ne pozivamo svoju porodicu, svoju djecu, svog sina, svoju kćer, svoje unuče, ... Šta vrijedimo i mi kao vjernici, ako i druge ne pozivamo vjeri, ako i druge ne pozivamo spasu ..., jer naš pojedinačni spas i uspjeh, ovisi o spasu i uspjehu naše zajednice. A spas i uspjeh naše zajednice zavisi od aktivnosti - svakog od nas.

Koliko je kome stalo do spasa, sreće i uspjeha, toliko se i bori za to. Koliko je kome stalo do zajednice toliko i čini za nju. Koliko je kome stalo do vjere - toliko u nju poziva. Zato je u tom kontekstu, pravo pitanje: Koliko nam je, uistinu, stalo do vjere, do zajednice, a time i do sebe, svoje porodice, svog djeteta, svog komšije i prijatelja?

Krenimo od sebe i postavimo sebi pitanje: Kad smo i šta uradili za opće dobro zajednice? Koga smo i kako pridobili vjeri? Šta smo i koliko uradili da bismo popravili stanje svoje zajednice? Ili možda šutimo, bojimo se šta će reći ovaj ili onaj? Ili čekamo da to neko drugi za nas uradi ?

Sjetimo se primjera h. **Omera**, koji kada je primio islam, isti dan kaže Poslaniku, a.s., : **“Zašto da se krijemo, kad smo na putu istine?” “Kažimo to glasno svima...”!**

Zašto ovo spominjemo?

Zato jer je danas mnogo onih koji su sprenmi komentarisati i kritikovati društvo i zajednicu kojoj pripadamo, a pri tome nisu spremni da se imalo žrtvuju i da bilo čime, niti na bilo koji način doprinesu spasu, uspjehu i napretku svoje zajednice. Mnogo toga možemo naučiti iz primjera malog mrava, i njegove brige o svojoj zajednici. Uistinu smo jadni ako ne možemo jedni drugima biti od koristi makar kao onaj mrav.

Danas je mnogo onih koji su spremni kritikovati i komentarisati stanje vjere, i nečije vjerovanje a istovremeno svakodnevno ili barem svakog petka polazeći u džamiju propuštaju da pozovu svog sina, unuka, komšiju, prijatelja, ahbaba da krenu s njima na namaz, na spas. Zato mnogo toga možemo naučiti iz primjera male ptice Hudhuda, i njenog pozivanja u vjeru.

I na poslijetku, danas je mnogo onih koji šute i čekaju da neko drugi za njih nešto uradi. Hazreti Omer nam poručuje **“Zašto da šutimo kada je u pitanju pozivanje na dobro...”!**

Molim Uzvišenog Allah da nas učini zajednicom iskrenih vjernika, zajednicom koja poziva na dobro, a odvrća od zla.

OBILJEŽEN 12. REBIU-L-EVVEL MANIFESTACIJOM „SLAVAT TI DONOSIMO, JA RESULALLAH“

Predstavljanje manifestacije –01.12.2016. izvršio glavni imam na konferenciji za medije održanoj u Atriju medžlisa.



Lepenica; 02.12.2016. Tribina „Savremeni problemi Bošnjaka: poststresni traumatski poremećaji, abortus i natalitet“. Gost predavač prim. dr. neuropsihijatar psiholog Mevludin Hasanović.

O. Planje – 01.12. 2016. Tribina “Mu’mini su braća”. Glavni imam Medžlisa IZ-e Tešanj mr. Fuad ef. Omerbašić predstavio manifestaciju “Salavat ti donosimo, ja Resulallah” nakon čega se prisutnima obratio Nezim ef. Halilović “Muderis”.



Dio prisutnih na tribini u O. Planjama

Dobropolje-Mekiš – 09.12.2016. održana tribina „Volimo li Poslanika a.s., kao što on voli nas“ u džamiji, poslije jacie-namaza. Gost-vaiz glavni imam Medžlisa IZ-e Kakanj Sulejman ef. Čeliković.



OŠ Huso Hodžić Tešanj – 10.12.2016. tradicionalni malonogometni turnir učenika - održan u sporskoj dvorani u organizaciji aktiva nastavnika Islamske vjeronauke.



Karadaglije-Koprivci-Oručje – 10.12. 2016. održana tribina „Ljubav prema Poslaniku a.s.“ u džamiji poslije jacie-namaza. Gost predavač hafiz Husein ef. Čajlaković.



Piljužići – 11.12.2016. održan tradicionalni mevlud – u prepunoj džamiji poslije jacie-namaza. Mevlud su proučili imami, a prigodno predavanje održao gost dr. Šefik Kurdić.



Centralna manifestacija Medžlisa i Muftiluka zeničkog 12.12.2016. – 12. rebiu-l-evvel 1438.h.g. – Čarši-džamija, Mevlud i dodjela priznanja i nagrade iz Fonda „Hasan ef. Škapur“

Mevlud su proučili imami, a prisutnima se obratili džematski imam mr. Enver ef. Kurtić, dobitnik nagrade i priznanja glavni imam mr. Fuad ef. Omerbašić, dr. Zuhdija Adilović i muftija zenički dr. Ejub ef. Dautović koji je u svojstvu predsjednika Komisije uručio priznanje dobitniku, a nagradu predsjednik IO Zehrudin Kruško.



Prisutni na mevludu



Mevlud



Uručenje priznanja

Bukva – 12.12.2016. Tradicionalni Mevlud održan u Kutahya džamiji. Mevlud proučili imami gradskih džemata, a predavanje održao glavni imam.



Dibekhana džamija – 22.12.2016. Tribina „Poslanik a.s., najbolji uzor“ održana u džamiji poslije jacie-namaza. Gost predavač dr. Nezir ef. Halilović.

OBILJEŽEN 12. REBIU-L-EVVEL MANIFESTACIJOM „SLAVAT TI DONOSIMO, JA RESULALLAH“

Okrugli sto – 13.12.2016. „Uloga vakufa i privatnog sektora u jačanju i razvijanju lokalne zajednice“ održan u velikoj sali Medžlisa IZ-e Tešanj na kome su na naznačenu temu svoje radove predstavili: mr. Fuad ef. Omerbašić, koji je i pročitao dio rada dr. Venana Hadžiselimovića koji je svoj rad dostavio ali nije mogao prisustvovati, mr. Zejnil Rebihić, mr. Senad Ćeman, Fuad Šišić dipl. ing maš., dr. Mustafa Hasani i hafiz dr. Senaid Zaimović. Učesnicima se obratio i dr. Mesud Ajanović - izvršni direktor *Udruženja privrednika Biznis Jelah-Tešanj*.



Oraš Planje – 16.12.2016.g. – Mevlud u staroj džamiji, proučili imami okolnih džemata i polaznici mekapske nastave, a prigodan vaz održao glavni imam.



Miljanovci Novi – 17.12.2016. – Tradicionalni 11. Mevlud učenika OŠ „Džemal Bijedić“ Miljanovci održan u džamiji ovog džemata poslije jaciye-namaza uz obraćanje glavnog imama i hafiza Ammar ef. Bašića.



Tešanjka – 18.12.2016. Tradicionalni 47. Mevlud održan u džamiji poslije podne-namaza. Mevlud su proučili imami Medžlisa IZ-e Tešanj, a prisutnima se obratili džematski imam Mustafa ef. Balić, prof., glavni imam i hafiz dr. Halil ef. Mehtić, dekan IPF u Zenici.




Medžlis – 21.12.2016. Tribina „Moj halal“ održana u atriju medžlisa poslije jaciye-namaza na kojoj je Valdet Peštalić šef odjela za edukaciju Agencije za certificiranje halal kvalitete Rijaseta IZ-e u BiH, prisutnima prezentirao temu kroz velik broj naslova, slajdova, fotografija i grafikona.



Tešanj – 24.12.2016. održano ekipno takmičenje u streljaštvu polaznika mekapske nastave u streljani SK Tešanj na Musalli. Učestvovalo 29 ekipa iz isto toliko mekteba, ekipu sačinjavala 3 takmičara uz obavezno učešće jedne djevojčice.

1. mjesto ekipa džemata Šije,
2. mjesto ekipa džemata Karadaglije-Koprivci-Oruč
3. mjesto Ekipa džemata Šije Donje Polje.



Medžlis – 24. 12. 2016. Tribina za žene „Volimo te ja Resulallah“ u okviru projekta „Ženski aktivizam“ i „Dodatnog institucionalnog odgoja i edukacije“ održana u velikoj sali Medžlisa IZ-e Tešanj. Predavači muallima Fatima Ćeman i Enesa Piro-Bedaković prof.

Medakovo – 25. 12. 2016. g. Mevlud – održan u džamiji poslije podne-namaza. Mevlud proučili imami Medžlisa IZ-e Tešanj a prisutnima se obratili džematski imam Adem ef. Garić, mr. Enver ef. Kurtić i Zijad ef. Ljevaković prof. Ovim se vraća ranija tradicija džemata da se organizuje Mevlud u povodu rođenja Muhammeda a.s., poslije Čarši-džamije i Tešanjke.



Mračaj-Potočani – 31.12.2016. – „Večer Kur'ana i Mevluda“ održana u prepunoj džamiji poslije jaciye namaza. Učestvovali imama Medžlisa IZ-e Tešanj i hor džemata, a prigodno se obratili džematski imam Muris ef. Braćkan, glavni imam i hafiz dr. Halil ef. Mehtić, dekan IPF u Zenici.



OBILJEŽENA HIDŽRA – NOVA 1438.h.g.

Hidrža – nastupanje Nove 1438.h.g. prigodno obilježena u svim džematima brojnim i raznovrsnim aktivnostima kojima su obuhvaćene različite interesne grupe – polaznici mektepske nastave, omladina, žene odrasli...

Vukovo – 01. 10. 2016. Mevlud — održan u džamiji posije jacije-namaza. Mevlud proučili imami okolnih džemata a prisutnima se prigodno obratili džematski imam Mirnes ef. Alić i glavni imam.

Mektebi; 02.10.2016. Održan zajednički čas sa polaznicima mektepske nastave na temu „Hidrža“ i u velikom broju džemata podijeljeni paketići polaznicima mektepske nastave.

Oraš Planje – 02.10.2016. Prvi malonogometni turnir polaznika mektepske nastave održan u džematu Oraš Planje. Učestvovali polaznici mektepske nastave iz džemata O. Planje i susjednih džemata: Mrkotić-Putešić, Džemilić Planje i Stenjak (MIZ-e Teslić). Pobjednik turnira ekipa džemata Džemilić Planje.

Kalošević - Završena temeljita rekonstrukcija i stavljena u funkciju mektepska učionica. Radovi izvedeni u organizaciji i pod nadzorom džematskog odbora.

Čarši-džamija – 02.10.2016. Mevlud — održan poslije akšam-namaza. Mevlud proučili imami gradskih džemata, a prisutnima se obratili imam Čarši džamije mr. Enver ef. Kurtić i glavni imam.

Dibekhana džamija – 06.10.2016. Tribina — održana poslije akšam-namaza, uz obraćanje džematskog imama hafiza mr. Nermina ef. Ibrahimovića i gosta mr. Alje ef. Cikotića.

Jelah - 06.10.2016. Večer Kur'ana — održana poslije jacije-namaza uz učešće hafiza: Almir ef. Hadžić, Almir ef. Salkanović, Ahmed ef. Bukvić, Nermin ef. Ibrahimović i Hidajet ef. Talić, uz obraćanje džematskog imama mr. hafiza Almir ef. Hadžića, glavnog imama i mr. Alje ef. Cikotića.

Miljanovci Novi - 08.10.2016. Mevlud — održan poslije akšam-namaza. Mevlud proučili polaznici mektepske nastave uz obraćanje džematskog imama Bersad ef. Kozlića, glavnog imama i gosta mr. Senad ef. Čemana.

Avdipašina džamija – 10.10.2016. Jevmu-l-ašura održana kao 24. tradicionalna manifestacija u ovoj džamiji, na kojoj su program izveli imami Medžlisa IZ-e Tešanj i derviši nakšibendijske tekije uz obraćanje glavnog imama i gosta hafiza Nedžada Čemana.

Miljanovci – 02. 10. 2016. Mevlud. tradicionalna centralna manifestacija Medžlisa IZ-e Tešanj održana u džamiji na Palučku poslije podne-namaza. Mevlud proučili imami Medžlisa IZ-e Tešanj, a prisutnima se prigodno obratili džematski imam Raif ef. Hasak prof., glavni imam mr. Fuad ef. Omerbašić i hafiz dr. Halil ef. Mehtić, dekan IPF Zenica.



Medžlis - 05.10.2016. Promocija knjige „Opisi Dženneta“ dr. Murisa Purića, održana u Atriju Medžlisa IZ-e Tešanj u 18,30. Promotori: mr. Salih Indžić, mr. Nermin Šušić i autor Muris Purić. Moderator glavni imam Medžlisa IZ-e Tešanj mr. Fuad ef. Omerbašić.



Medžlis - 09.10.2016. Šahovski turnir polaznika mektepske nastave održan u atriju Medžlisa. U kategoriji muških polaznika pobjednici su: 1. mjesto Rahić Namir džemat Mrkotić-Putešić, 2. mjesto Ismail Omerbašić Miljanovci i 3. mjesto Nihad Huremović džemat Medakovo. U kategoriji ženskih polaznika pobjednici su: 1. Emira Omerbašić Miljanovci, 2. mjesto Lamija Sejdić Dobropolje-Mekiš i 3. mjesto Nedžma Muminović Medakovo.



Medžlis - 07.10.2016. Promocija CD „Ilhamijin put u smrt“ održana u atriju Medžlisa uz učešće Mustafe Širbića, Latifa Moćevića i Enesa Ukića. Moderator glavni imam. Sponzori Mušlić Azem i Aida.



Događaji, iz naših džemata....

MEDŽLIS - 13. 10. 2016. Održan sastanak Muftije zeničkog dr. Ejub ef. Dautovića sa predsjednicima džematskih odbora u velikoj Sali Medžlisa IZ-e Tešanj poslije podne-namaza.



Oraš Planje – 18.10.2016. Večer Kur'ana i dova za šehide održana u Plavoj džamiji poslije akšam-namaza. Ajete Kur'ana Časnog učili su hafizi: Almir ef. Salkanović prof., Ahmed ef. Bukvić prof., mr. Nermin ef. Ibrahimović, mr. Almir ef. Hadžić i gost iz Bihaća Sinanudin Bajrić. Na šehide O. Planja podsjetio je džematski imam Muris ef. Mahalbašić prof. , a prisutnima su se prigodno obratili glavni imam mr. Fuad ef. Omerbašić i Mustafa ef. Spahić.



Lepenica – 29.10.2016. Večer Kur'ana održana u povodu 25. godišnjice svečanog otvorenja džamije. Kur'an su učili hafizi: *Nermin ef. Ibrahimović, Almir ef. Hadžić, Ahmed ef. Bukvić, Almir ef. Salkanović, Hidajet ef. Talić, Mustafa ef. Efendić i Omer ef. Zulić*: U okviru programa prisutnima je prikazan dokumentarni film o džematu Lepenica, a obratili su im se glavni imam Medžlisa IZ-e Tešanj mr. Fuad ef. Omerbašić, glavni imam IZ-e Bošnjaka u Australiji Jasmin ef. Bekrić (rodom iz džemata Lepenica), hafiz dr. Senaid Zaimović, direktor Vaufske direkcije i bivši imam ovog džemata, Izudin ef. Kruško, bivši imam ovog džemata.



Medžlis –Tribine za žene: održane u velikoj sali Medžlisa IZ-e Tešanj:

30.10. 2016 „Hrana – lijek ili otrov“ predavači muallima Fatima Čeman i dr. Azra Ibrahimović i **26.11.2016. - „ Spolno prenosive bolesti, pošast savremenog življenja“** predavači Fatima Čeman i mr. sci. Larisa Mešić-Đogić ginekolog akušer.

Mračaj-Potočani: Tribine poslije jacie-namaza:
- 04.11.2016. –predavač hafiz Nedžad ef. Čeman prof.
- 25.11.2016. – mr. Fuad ef. Omerbašić, glavni imam.

Jelah - 16. 10. 2016. - Održano takmičenje mujezina polaznika mekapske nastave Medžlisa IZ-e Tešanj u džematu Jelah u dvije kategorije: 1. takmičari uzrasta IV-VI razred OŠ i 2. takmičari uzrasta VII – IX razred OŠ. Pobjednici: mlađi uzrast:

1. mjesto – Muminović Muhamed iz džemata Lepenica,
2.mjesto – Omerbašić Faris iz džemata Karadaglije-Koprivci-Oručje i
3. mjesto - Kadušić Tarik iz džemata Trepče
stariji uzrast:

1. mjesto – Salkanović Abdulah iz džemata Šije Donje Polje,
2. mjesto – Kruško Ahmed iz džemata Miljanovci Novi i
3.mjesto – Sejdić Adnan iz džemata Čagličići.

Treba napomenuti da su takmičari pokazali zavidno znanje i mekam, a ocjenjivalo se: učenje ezana, početni salavat, Ihlas, ikamet, i zikir koji mujezin uči naglas.

Medžlis – 29.10.2016. Održano takmičenje mujezina polaznika mekapske nastave Muftiluka zeničkog u Čarši džamiji Tešanj poslije podne-namaza.

Takmičila su se po dva prvoplasirana takmičara iz obadvije kategorije sa prethodno održanih takmičenja u Medžlisima IZ-e Muftiluka zeničkog. Takmičenje je završeno proglašenjem pobjednika i dodjelom nagrada pobjednicima i to:

mlađi uzrast: 1. mjesto – Lužić Rasim, Babići – Zenica.

2. mjesto – Klisura Ammar, Nova Zenica –Zenica.

3. mjesto - Muminović Muhamed, Lepenica – Tešanj.

stariji uzrast: 1. mjesto – Hurem Muhamed - Broda – Zenica

2. mjesto – Grabus Muhamed, Babići – Zenica

3. mjesto – Kruško Ahmed, Miljanovci Novi – Tešanj.



Dobropolje-Mekiš; 26.11.2016. Tribina „Blagodati dženneta“.

Održana u džamiji poslije jacie-namaza u okviru projekta „Dodatnog institucionalnog odgoja i edukcije“. Predavač Mustafa ef. Balić prof.

Medžlis - Stručni seminari imama:

8. stručni seminar – 15.11.2016. - tema „Hidžra“
predavač Raif ef. Hasak prof. imam džemata Miljanovci.

9. stručni seminar - 29.11.2016. – tema „Četvrti islamski šart“
predavač Mirsad ef. Bećirović, imam džemata Čagličići.

10. stručni seminar – 20. 12. 2016. – za imame Medžlisa IZ-e Tešanj, Doboj i Teslić u atriju Medžlisa. Na seminaru, koji se realizuje u okviru projekta doedukacije imama Muftiluka zeničkog, prof. dr. hfz. Halil Mehtić, dekan Islamskog pedagoškog fakulteta u Zenici i muftija zenički dr. Ejub ef. Dautović imamima su predstavili temu "Muhammed, a.s., kao paradigma savršenog odgovajatelja".



11. stručni seminar–tema: „Proživljenje i vječni život na ahiretu“
predavač Dževad ef. Hasanbašić, imam džemata Jablanica.

Dječije obdanište „Revda“ u suterenu Kutahya džamije – 24. 12. 2016. Od postavljanja kamena temeljca 08. jula 2016. zvršena adaptacija, postavljene instalacije, uređen prostor i postavljen namještaj, sve spremno za početak rada obdaništa.




Opremljeni prostor dječijeg obdaništa

Mrkotić-Putešić – proširenje vakufske kuće za mektepsku učionicu i izgradnja parkinga, započeli radovi



Dolac-Kotlanice:

1. Opremljena novim namještajem mektepska učionica u džamiji - vakuf Muftijstva zeničkog.
2. Kupljen i postavljen novi luster u džamiji.
3. Postavljena nova prostirka u džamiji i mesdžidu u Dolcu.
4. Postavljena ograda ispred džemije.
5. Ograđen harem starog mekteba.
6. U toku postavljanje ograde oko harema mesdžida Dolac.



Čarši-džamija- 26.11.2016. Proučena dova i započelo izvođenje radova na izgradnji mokrog čvora i abdesthane u podrumu ćefenka u haremu džamije.



Jablanica – završena rekonstrukcija munare, krova džamije, postavljena termoizolacija na tavan džamije, ofarbana džamija, i instalirano centralno grijanje u vakufskoj kući.



Izgradnja nove džamije na mjestu dosadašnje u Bukvi
Od postavljanja kamena temeljca 08. jula 2016. do sada izgrađena nova džamija i munara. U toku postavljanje termoizolacione vanjske fasade i podnog grijanja.



Ranija džamija

Nova džamija u izgradnji

Vukovo – završeni radovi na izgradnji šadrvana u haremu i kancelarije u suterenu džamije - vakif Sakib Kantić.



Avdipašina džamija zamijenjena dotrajala drvena stolarija, postavljena nova unutrašnja fasada, viseći strop, otvoren mahfil, postavljen parapet...

